



Broj: 01-02-1-2610/16
Sarajevo, 12.10.2016.

PRIMLJENO			
Organizaciona jedinica	Klasifikaciona oznaka	Redni broj	Broj priloga

12.10.2016

Parlamentarna skupština BiH
Kolegij Predstavničkog doma
Ustavno-pravna komisija Predstavničkog doma

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o izmjeni Zakona o plaćama i naknadama u institucijama Bosne i Hercegovine s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine

Predsjedavajući Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01-02-1-2610/16, od 11.10.2016., dostavio Prijedlog zakona o izmjeni Zakona o plaćama i naknadama u institucijama Bosne i Hercegovine (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona, broj: 01-02-1-2610/16, od 10.10.2016., podnio je poslanik u Predstavničkom domu Šemsudin Mehmedović, kao ovlašteni predlagač, u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma Parlamentarne skupštine BiH

Tekst Prijedloga zakona podnesen je u pisanoj i elektronskoj formi, na bosanskom jeziku, što je u skladu s članom 105. stav (1) Poslovnika Predstavničkog doma.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- ustavni osnov za usvajanje zakona,
- razloge za donošenje zakona,
- principe na kojima je zasnovan prijedlog zakona,
- procjenu finansijskih sredstava neophodnih za provođenje zakona,
- mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i

f) bilo koje druge okolnosti koje bi Domu mogle pojasniti razloge za donošenje zakona.

U vezi s navedenim, uz Prijedlog zakona dostavljeno je obrazloženje koje sadrži:

1. ustavni osnov,
2. razloge za donošenje zakona,
3. principe na kojima je prijedlog zakona zasnovan,
4. procjenu finansijskih sredstava potrebnih za provođenje zakona, te
5. druge okolnosti relevantne za donošenje zakona.

U skladu s članom 105. stav (4), mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

S obzirom na navedeno, Prijedlog zakona **usklađen** je s članom 105. stav (3) Poslovnika Predstavničkog doma.

Predlagač je, u skladu s članom 105. stav (5) Poslovnika Predstavničkog doma, uz Prijedlog zakona priložio i odredbu koja se mijenja, te neslužbeni prečišćeni tekst Zakona s ugrađenom odredbom Prijedloga zakona, te je u tom smislu Prijedlog zakona **usklađen** s članom 105. stav (5) Poslovnika Predstavničkog doma.

S obzirom na navedeno, Prijedlog zakona **usklađen** je s članom 105. Poslovnika Predstavničkog doma.

II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinstvenim pravilima za izradu pravnih propisa u institucijama Bosne i Hercegovine, te je **usklađen** s Jedinstvenim pravilima za izradu pravnih propisa u institucijama Bosne i Hercegovine.

Dostaviti:

1. naslovu

Rukovoditeljica
Zakonodavno-pravnog sektora
Mirjana Kutanjac

